

Հավելված  
«ԹԵԼ-ՍԵԼ» բաց բաժնետիրական ընկերության  
գլխավոր տնօրենի 20 դեկտեմբերի 2024թ. թիվ 140/03-Լ հրամանի

## Տոմսային կրիչի (Տրանսպորտային Քարտի) տրամադրման և օգտագործման կանոնները

### 1. Սահմանումներ

**Ֆինանսական օպերատոր՝ «ԹԵԼ-ՍԵԼ» ԲԲԸ:**

**Տոմսային կրիչ/կրիչ՝** Ֆիզիկական օբյեկտ կամ ծրագրային ապահովում և ապարատային միջավայր, որը կարող է թվային ձևով պահել տեղեկատվություն տոմսերի վերաբերյալ: (այսուհետ նաև՝ **Տրանսպորտային քարտ կամ Քարտ**):

**Տոմս/Էլեկտրոնային տոմս՝** Էլեկտրոնային կամ թղթային կրիչով Ուղևորության իրավունքի ձեռքբերման հավաստագիր:

**Տարիք՝** ուղևորափոխադրման պայմանների տեսակ՝ համապատասխան սակագնով:

**Տոմսային կրիչի (Տրանսպորտային Քարտի) ակտիվացում՝** Քարտի իդենտիֆիկացիոն համարով առաջին ուղետոմսի/տարիքի ձեռքբերում:

**Ուղևոր՝** Քարտը ձեռք բերելու համար հայտ ներկայացրած կամ Քարտը տիրապետող, օգտագործող անձ:

**Երաշխիքային գումար՝** դրամական միջոց, որը Ուղևորը տրամադրում է Ֆինանսական օպերատորին իբրև Ֆինանսական օպերատորի՝ որպես քարտի սեփականատիրոջ իրավունքների և Քարտի օգտագործման և պահպանման կանոնների կատարման ապահովում:

### 2. Ընդհանուր դրույթներ

- Սույն փաստաթուղթը հրապարակային պայմանագիր (օֆերտա) է:
- Ֆինանսական օպերատորը Ուղևորին Քարտը տրամադրում է հայտի հիման վրա:
- Քարտի ձեռքբերմամբ և օգտագործմամբ Ուղևորը հավաստում է, որ ծանոթացել է Տոմսային կրիչի (Տրանսպորտային Քարտի) տրամադրման և օգտագործման կանոններին և ընդունում է դրանք:
- Յուրաքանչյուր տրանսպորտային միջոցում (կետում/կայարանում) նույն Քարտը հնարավոր է 1-ին հաջող վալիդացումից հետո վալիդացնել 2-րդ անգամ 30 րոպեից ոչ շուտ:
- Քարտը Ֆինանսական օպերատորի սեփականությունն է, և Ուղևորին տրվում է տիրապետման և օգտագործման իրավունքով՝ Երաշխիքային գումարի դիմաց:
- Երաշխիքային գումարը կազմում է 500 ՀՀ դրամ:
- Երաշխիքային գումարը ենթակա է վերադարձման Քարտի տրամադրման պահից երեք տարվա ընթացքում հետևյալ պայմանների միաժամանակյա առկայության դեպքում.

- Քարտը աշխատունակ է, հնարավոր է օգտագործել նպատակային նշանակությամբ,
- Ֆիզիկական ամբողջականությունը պահպանված է,
- Քարտի արտաքին տեսքը պատշաճ է, իդենտիֆիկացիոն համարը տեսանելի է, իսկ Քարտի ընդհանուր մաշվածությունը չի գերազանցում 50%-ը,
- Պահպանվել են Տրանսպորտային քարտի օգտագործման հիմնական կանոնները:

- 2.8. Երաշխիքային գումարի վերադարձի դիմում կարող է ներկայացվել Ֆինանսական օպերատորի մասնաճյուղերում: Դիմումը քննվում է 10 աշխատանքային օրվա ընթացքում, որից հետո դիմումը բավարարվում է 2.6 կետում սահմանված պայմանների առկայության դեպքում, իսկ 2.6 կետում սահմանված պայմաններից առնվազն մեկի բացակայության դեպքում դիմումը մերժվում է:
- 2.9. Դիմումի պատասխանը Ուղևորը ստանում է դիմումում նշված պատասխանի ստացման եղանակով (փոստային առաքում, առձեռն, էլ. փոստ): Դիմումի բավարարման դեպքում երաշխիքային գումարը փոխանցվում է Ուղևորի տրամադրած իրեն պատկանող բանկային հաշվեհամարին կամ իր Telcell Wallet էլեկտրոնային փողի հաշվառման հաշվին: Եթե Ուղևորը Կրիչով կատարել է երթ առանց Կրիչում Տարիֆի ակտիվացման, երթի սակագինը նվազեցվում է երաշխիքային գումարից:
- 2.10. Դիմումը մերժվելու դեպքում Ուղևորը կարող է մոտենալ դիմումը ընդունած Ֆինանսական օպերատորի մասնաճյուղ Կրիչը հետ ստանալու համար:
- 2.11. Քարտը ձեռք բերելուց և ակտիվացնելուց հետո Ուղևորի կողմից գործարանային խոտանի հետևանքով անաշխատունակության հայտնաբերման դեպքում ենթակա է փոխարինման մեկ այլ քարտով՝ այն ակտիվացնելուց հետո 3 աշխատանքային օրվա ընթացքում Քարտը Ֆինանսական օպերատորի ցանկացած մասնաճյուղ ներկայացնելու դեպքում: Սույն հիմքով Քարտի փոխարինումը իրականացվում է Քարտի ձեռքբերման վճարման անդորրագրի ներկայացման դեպքում:

### 3. Տրանսպորտային քարտի օգտագործման հիմնական կանոնները

Տրանսպորտային քարտի երկարատև և կայուն աշխատանքը ապահովելու համար պետք է հետևել հետևյալ կանոններին.

#### 3.1. Ֆիզիկական վնասվածքից պաշտպանություն

- Խուսափել Քարտը ճկելուց, ծալելուց կամ կոտրելուց:
- Չպահել Քարտը կոշտ կամ սուր առարկաների հետ միասին, որոնք կարող են քերծել կամ վնասել այն:
- Պահպանել քարտը հատուկ պատյանի մեջ՝ ֆիզիկական վնասից խուսափելու համար:

#### 3.2. Շրջակա միջավայրի ազդեցությունից պաշտպանություն

- Պահպանել Քարտը չոր վայրում՝ խուսափելով խոնավության և ջրի հետ անմիջական շփումից:

- Չենթարկել Քարտը բարձր ջերմաստիճանի կամ արևի ուղիղ ճառագայթների երկարատև ազդեցությանը:
- Խուսափել քարտը քիմիական նյութերի, օրինակ՝ ալկոհոլի կամ լուծիչների ազդեցությանը ենթարկելուց:

### 3.3. Էլեկտրամագնիսական ազդեցությունից պաշտպանություն

- Չպահել քարտը մագնիսական դաշտերի մոտ (օրինակ՝ բարձրախոսների կամ մագնիսական պայուսակների կողքին), քանի որ դա կարող է վնասել տվյալները:
- Խուսափել քարտը ուժեղ էլեկտրամագնիսական սարքավորումների մոտ օգտագործելուց:

### 3.4. Օգտագործման ձևը

- Հավաստիանալ, որ քարտը ճիշտ ուղղությամբ է պահվել NFC ընթերցող սարքին մոտեցնելիս:
- Քարտը ընթերցող սարքի մոտ պահել միայն այնքան ժամանակ, որքան պահանջվում է տվյալների փոխանակման համար:

### 3.5. Անվտանգություն

- Քարտով հավաստվող իրավունքները պատկանում են քարտը ներկայացնողին, ուստի Քարտի կորստի, գողության կամ այլ անձի կողմից քան քարտը ձեռք բերողն է օգտագործելու համար Ֆինանսական օպերատորը պատասխանատվություն չի կրում:
- Քարտի սխալ օգտագործման, գողության և կորստի դիսկը կրում է Ուղևորը:

### 3.6. Քարտի խնամք

- անհարժեշտ է հավաքել ավելորդ կեղտը Քարտի մակերեսույթից՝ օգտագործելով փափուկ կտոր:
- Չի կարելի օգտագործել սուր կամ կոշտ նյութեր քարտը մաքրելու համար: